

Incumbensa Bondolfi concernent la consideraziun da las trais regiuns linguisticas en gruppas da lavur, en cumissiuns spezialisadas ed en gremis da relevanza chantunala

Per elavurar il concept davart la promoziun da la cultura è vegnida furmada ina grupp da project speziala l'onn 2018. Oriundamain n'appartegneva a quella nagina represchentanza dal Grischun talian. Pir sin squitsch dal parlament ha la Regenza prendi suenter quai. Il medem scenari è sa repetì tar la cumposiziun da la suprastanza da l'Uniun GRdigital. Danovamain manca ina represchentanza dal Grischun dal sid. Apparentamain èsi previs d'eleger ina represchentanza da las regiuns italofofas en la suprastanza durant l'emprim onn d'activitad.

Il Grischun è in chantun cun trais regiuns linguisticas e culturalas. Tar la cumposiziun d'instituziuns e d'organisaziuns che adempleschan incumbensas publicas e ch'èn dumandadas da s'occupar cun noss territori en tut sias fassetas, sto la diversitad linguistica da noss chantun vegnir resguardada obligatoricamain.

L'experiencia mussa ch'i dovra ina basa pli lianta, sche nus vulain realisar en moda consequenta e credibla ils principis che nus tuts declamain uschè gugent en il num da noss chantun.

Las sutsegnadras ed ils sutsegnaders incumbenseschan perquai la Regenza da prevair e da resguardar obligatoricamain en il futur la represchentanza da las trais regiuns linguisticas en gruppas da lavur, en cumissiuns spezialisadas ed en gremis da relevanza chantunala. Eventualmain ston ins stgaffir senza retardar la basa giuridica ch'è necessaria per quest intent.

27 d'avust 2021

Bondolfi, Müller (Favugn), Alig, Atanes, Baselgia-Brunner, Berther, Brandenburger, Brunold, Buchli-Mannhart, Caluori, Cantieni, Casty, Casutt-Derungs, Caviezel (Cuira), Censi, Claluna, Crameri, Danuser, Della Cà, Della Vedova, Deplazes (Rabius), Derungs, Ellemunter, Epp, Fasani, Felix, Florin-Caluori, Flütsch, Gartmann-Albin, Holzinger-Loretz, Horrer, Hug, Jochum, Kohler, Kunfermann, Lamprecht, Loepfe, Loi, Märchy-Caduff, Michael (Castasegna), Michael (Donat), Müller (Susch), Niggli-Mathis (Grüsch), Noi-Togni, Papa, Paterlini, Pfäffli, Preisig, Ruckstuhl, Salis, Schmid, Schneider, Schutz, Thomann-Frank, Tomaschett-Berther (Trun), Ulber, Weidmann, Wellig, Widmer (Favugn), Widmer-Spreiter (Cuira), Wilhelm, Zanetti (Landquart), Costa, Spadarotto, Tomaschett (Cuira)